

# ORATIO DE DIVO PETRO

IOANNIS BAPTISTÆ MAZZIOTTI

In Vaticano Seminario Rectoris.

A PETRO PAVLO SALICIO ROMANO

EIVSDEM SEMINARIJ ALVMNO

HABITA

*Quinto Nonas Iulij. Anno Iubilæi. MDCL.*



R O M Æ.

Ex Typographia Ludouici Grignani. MDCL.

**SVPERIORVM PERMISSV.**

OTTAVIO

CAPIE LINGUA

THE LINGUA OF THE

ITALIAN LANGUAGE

ONAMOR OICIO OLIVIO OLIVIO A

ONAMOR OICIO OLIVIO OLIVIO A

ATI

ONAMOR OICIO OLIVIO OLIVIO A



ONAMOR

ONAMOR OICIO OLIVIO OLIVIO A

ONAMOR OICIO OLIVIO OLIVIO A




ILLVSTRISSIMO DOMINO

VGONI VBALDINO

Basilicæ Vaticanæ Canonico Decano

IO. BAPTISTA MAZZIOTTVS. F.



**P**OSSES culpares beneficentiam tuam (Illustrissime Prasul) quā in me tantum hactenus florui-  
 sti, si ceterum meritis respondendo impar, verbis  
 etiam parcerem, nec dicendo, beneficiorum ma-  
 gnitudinem explicarem; cui faciendo, quid repen-  
 dam, omnino non suppetit. Lapidēs ipsos animauit in cantus illu-  
 stris Planetarum Principis liberalitas, cum recepti intra Mem-  
 moris statum radij nascentes, in ea vocali iam facta, suauissi-  
 mū melos effingebant. Lapidibus ipsis durior apparerem, si tot me-  
 ritorum tuorum radijs decoratus, ne vocem quidem tue liberali-  
 tatis indicem, nec a imbecillitatis testem depromerem. Hoc tamen,  
 locutionem ipsam difficilem efficit, quod facundia inops, & di-  
 cendi facultatibus destitutus, possum, dum loquor, mei silentij cu-  
 piditatem in Auditores inuehere. Tibi maximo Mæcenati Virgi-  
 lios, & Horatios ætas nostra debuerat, & qui Romano imperio

solus aliquando par extitit Tullius, tibi unus fueris erat fortasse non impar. At exiguam aquam gratatus Persarum Rex e manu rustici familiariter propinatam, facit spem tibi meos istos oratorios flosculos fore gratos. in quem à maioribus Pontificibus, à fratribus Purpuratis plusquam Regia magnanimitas emanavit. quem hausta de diuino fonte sanctitas morum; effusa in cultum diuinum Religio, plusquam humana in omnia pietas, supra quemlibet Regem terrarum exhibuit venerandum. Gratulare meos istos de Dni Petri laudibus oratoriis flores, cui in angustissimo Apostolorum Principis templo secundus à Pontifice & à Patribus purpuratis locus obtingit. Mihi veniam impertiari, oro, si gratiora non legerim ex mei ingei & viridario germine, qua ab eo, sterilitatis probro infelice laborante, nequicquam sperabantur. Vale.

# PETRVS AD PRÆLATVS PANEGYRIS.



**M**IRABILEM in suis operibus rerum omnium conditor seipsum exhibuit, & nemo nisi mentis lumine penitus destitutus, potest in operum vultu, characteres artificis sapientiæ indices præterire. Eadem ipsa sapientia condidit Mundum, atque pene collapsum in veterem formam, restituit, hoc inter restorationem, & ædificationem discrimine, vt qui Mundum nullo prorsus negotio, soloque verbo ex nihilo eduxit, eidem vt collapsio succurreret, propriæ Sobolis, humanis artibus indutæ, supplicij, ac nece consuleret. Ab interitu parum aberat moles hæc rerum, quam oculis cernimus, dum eius pars præcipua, quin & finis potissimus homo, lethali culparum vulnere sauciatus, præceps in interitum agebatur. Adam absoluto iam orbi, perfectæque procreato datus est pæses; eidem Christi sanguine redempto, ac in meliorem viuendi rationem restituto præesse Petrus iussus est. Ex vtriusque munere hoc emanauit, vt prouincias vice Numinis procurarent. Duorum Præsidum administrationis quæso causas Auditores accipite, vt Petro Adæ præposito, huius diei. Petri solemnibus dedicatæ iactitiam, quoquomodo possum, vobis aperiam.

Ex conditione subditorum commendari regnantis prudentiam, exploratum omnibus arbitror. vt si non sit fluctus in æquore, idcirco ars Typhis iaceat, & omne Phœbi laboribus adimatur pretium; si homines valeant (vt inquit Ouidius) & nemore peririendus, qui in obsequentes populos dominari nesciat. Subditorum licentia maximam affert regi difficultatem, nec enim ferarum formæ (vt Poeta comminiscitur) aut aduersi Tauri cornua, siue arcus Ætonij, siue violenti Leonis ira, Scorpius, aut Cancer, moderantem Curfus Patrios Phærontem excusserunt; sed detrectantes iugum quadrigæ, atque insuetas aspernantes

habenas. Iouis illum fulminibus obiectum perdidērunt, & in-  
 Fridani gurgites infelicitē abegere. Menti quēso vestrę succur-  
 rat quā facilis terrarum primo Præsidi moderatns obtigerit.  
 In solo recēter nato quicquid fuerat genitum, malitiā nūc sa-  
 piebat, nihil proum in mala, nihil in aliena damna proclue,  
 sed mutus in animantibus amor, mutua dilectio, tum omnium  
 consensu in hominis, sui, videlicet, Principis, vergebat obsequia.  
 Non tumescēbant in virus Draconū colla, non indignatio Leo-  
 nem exasperabat, nulla per Campos licentia equos raptabat,  
 nulla tigridē rabies laceſcebat ad cædes. Verū placida omnia, in  
 concordiam cuncta composita, ad vnicam vocem hominis accur-  
 rebant. Hoc sanē cūctorum studium, vt in obsequia Principis  
 irent sui. Humanitatem in feris Adam, feritatem in hominibus  
 nactus est Petrus. In syluas frementium bestiarum Mundus mi-  
 grauerat; quot homines, tot monstra, tot crudelitatis, auaritiæ,  
 immodici fastus, effrenati luxus prodigia numerasset.  
 Nullus à diuino cultu; Adam regnante, descuerat, vnicus  
 serpens homini fore illum Deo æquandum, per callida argumē-  
 ta, mendacesque paralōgismos conabatur ostendere. Cetera  
 minia, quominibus vocata suis, in Dei seruitium accurrebant.  
 Nihil æque carum omnibus, quā vt acceptam à Diuina libera-  
 litate naturam obsequijs, si nequirent alio, compreharent. Re-  
 cesserat, ante Petri regnū Deus ab hominum mētibus, quod ter-  
 ræ sapientiæ vanitas, omnium sacrilegiorum impietas, diligentis-  
 sima superstitio; Dæmonum Cultus, Dei notionem omnem abo-  
 leuerant; Deorumque umbras inuixerant infinitas. Magnō-  
 rum scelerum præmium Diuinitas erat. Cælo regnantem præ-  
 posuerant Iouem violatæ coniugij, tedæ, libatæ virginum niues,  
 intextatæ patri violentiæ, & cathenæ, probra omnia, & infanda  
 piacula perpetrata. Crudelitas Martem ad Diuinitatem exexe-  
 rat; incestus Venereſem, fraudes, & furta Mercurium, impatētia  
 vini Bacchum, cædes, & strages Alcidem, ad imperium Cæli,  
 per violatā humanā, diuināque iura mortales ipsi grassabantur:  
 tanta imbuerat animos superstitio: ea diuinitatis ignoratio men-  
 tes obsederat: tantum impietas profecerat in orbe terrarum.  
 Difficilem adeo aggressus prouinciam, & tot, tantisque discrimi-  
 nibus obuiam, non animum dimisit Petrus, quin eam & feliciter  
 moderaretur, atque ab ærumnis, quibus immodicē torquebatur,

vindicaret, sed in spem creptus est illam eius prudentia, vel potius Numinis, cuius vices gerebat, sapientia, ad optimam viuendi rationem quamprimum transituram. At plurimum laboris infumendum est, plurima sunt obscunda discrimina, si scelerum excussa tyrannide, terrarum imperia sint in libertatem vindicanda. Pugnat potentia Principum, obstat Caesarum magnitudo, Rerum publicarum edicta Christum, & à Christo salutem prouenire denegant, occurrentique a superis felicitati aduersantur. At quibus armis in hunc hostem pugnabitur? quæ copix ad tantum bellum instruendæ? desunt stipendia, quibus milites in Sacramentum adigantur. Non suppetunt præmia, quibus in deditionem hostes alliciantur, quæ animabus corpore exutis promittuntur, risu excipit, atque ludibrium. Petrus verò capiens ex difficultatibus incrementa fiduciæ, noua prorsus, & insueta pugnandi conditione hostem adoritur, traditamque provinciam armis, quæ certis dispendijs oppositura credebantur, in libertatem aduocat, paupertatem opulentix obijcit, debilitatem potentix, imbecillitatem robori, & eò certior victoriæ fiducia nascitur, quò arctioribus infimæ egestatis, & abiectæ imbecillitatis angustiis coarctatur. Meministis maris elationes, quas admirabiles prædicat Regius Psalter. Nihil pelago inclementius, nihil trucius, quod exasperant procellæ, atque Austri furor prouocat in tumorem. Credidissetis, tantis conatibus coercendis, montium aggeres obijciendos, vt ab vndarum incursu tuta foret Tellus, & ab alluione secura. At circumspicite littora, si placet, arena est, quæ maris æstuantem retundit insaniam, in arenam illi fluctus pristinum in locum repelluntur. Non minus suasio Principe, quàm in maris gurgite, metuas tempestates, dum in Principis mentem debacchatur impietas, animoque extrudit humanitatem vi crudelitatis, atque sæuitiæ omnis deturbata Religio. Principibus oppugnandis non accersuit Principes Deus, nec retundendo furori crudelitatem opposuit, verum imbecillitate virium, rerum paupertate, & abiectæ generis, sortisque conditione, eorum arrogantiam repressit, & fastum. Nudis pedibus erant conculcanda Caesarum capita. Inermes manus erant fasces à Consulibus abstrahitur. Petrus è piscatore Pontifex, ex incola Galilææ, Christi Vicarius, contaminatam scelerum omnium contagione Prouinciam virtuti reddidit, Mundum Mundo restituit, dum proprio subdidit Regnatori.

Ex

Ex Adæ praua gubernatione, eò improbitatis, & nequitie processit humanum genus; vt Conditorum suum ad poenitentiam, adegerit, quòd hominem procreasset, & ad contemptum imaginis, quam scelerum turpitudine deformauerat, prouocauerit. Terra ipsa, quæ suum antea opificem oblectauerat, eiusdem maledictis coeperat in hominem reclamare; quando vel ex ipsa sanguis exclamans in improbum fratricidam, diuinam exagrabat iram. Extinguendis tantorum scelerum debacchantibus passim incendijs quæsitæ est vniuersa terrarum eluuiæ, nec nisi post exhaustum naufragijs Mundum locus erat innocentis sedis sibi deligendæ. Felici Petri moderatione, ex impietatis domicilio, in regiam sanctitatis Mundus immigrauit. In exilium secessit improbitas, quæ sedem antea obtinuerat regnatricem. Mente quæso perpendite Auditores, qualis Orbi status fuerit ante susceptam à Petro Prouinciã. In vnum Palestinæ angulum Religio vera secesserat, ibique crebris, in dies piaculis polluebatur, vt neque vbi pedem Columba sisteret, reperiret. Tendeat in supplicia, Deus, ita ut ab vltione nomen illi fuerit factum, supplicia tamen improbis, quibus plestebantur, oberant, cæteris autem, vt ab sceleribus auerterentur, nihil alieni supplicij terrebat exemplum. Pentapolis, incolis frequens, Prouincias sinu vastissimas completebatur, in ijs tamen non reperti sunt decem, quorum innocentia diuinam continuisset indignationem, quo minus in vniuersos supremi Numinis exarserit iracundia. Leones effrænirabie vastauere Samariam, alias vrbes excidit bellum, alias contagia deleuerunt, alias in extremam perniciem adegit inedia. Ex poenistamen, incrementa capiebat impietas, & ex vulneribus, criminum fecunditate nascente, sobolescebat in scelera genus humanum, dum ob scelera plestebatur. Petro yero ad Mundi moderamen assumpto, improbitatem dediscere coepere mortales, superstitio in religionem abiit, in castitatem obscenitas, mutui amor caedes auerit, excussa dominandi cupiditas, gratum subiectis seruitium, securum regnantibus præstitit dominatum. In exilium propulsus amor habendi, rerum omnium communionem induxit vniuersis. Fædera non violata, amicitie non fictæ tunc primum, inter homines emerferunt, Petroq; dominante vetustatem Mundus exiit, & renouata facies, sedatam sceleribus formam oblitescit. Portenderat Deus regnandi discrimina in utroq; Prore-



ge; dum enim Adam absolute, nullam absolute operi suæ voluntatis indicem adscripsit epigraphem, & à quo cætera compecta elogium acceperant, nullam hominem laus, nulla commendatio processit. Aduertit enim mox inficiendum eritimum afflicto spiraculum vitæ, quod in hominem inspirauerat, imaginisque suæ characteres, ad quam illum efflexerat, quantobrevius abolendos. Petri verò, dum in Petra construxit Ecclesiam, eodem laudes se effudit Deus homo; ut beatum illum, adhuc degentem inter mortales, appellauerit, & in quem ab altris matutinis proficiscuntur Encomia, Petri egerit Encomiasten. Nec excidit memoria haud singulare fuisse in Petrum à Deo deriuatum elogium; habuit enim ante Christum ætas præterita eiusmodi laudatore dignatos; tum a Christo nonnullis data laudatio est. Memini Iob, patientiæ Magistrum, ob simplicitatem, & probitatem à Deo celebratum. Ob fidelitatem Abraham laudatum, & vberimæ posteritatis pollicitis locupletatum. Secundum Dei Cor inuentum Dauidem. Cæteris hominibus in Sanctitate prælatum Ioannem Baptistam. Vas electionis Paulum Apostolum nuncupatum. Et tandem ne, singulos recensendo, sim longior, Angelicum Aquinatem, scriptis de Christo benemeritum, ab ipso in cruce pendente commendatum. Petrus verò, si laudationem penitus introspectas, peculiare à supremo præcone tulit Encomium, dum pleniores sunt laudes, & laudibus promissa mercedis succedunt, dum toti Ecclesiæ, aperiendi Cæli, Tartarique clauis, eorumdemque referendorum facultas impetratur.

Adam ob male administratam Rempublicam, mortis damnationem incurrit, mortem ipsam, criminis à se patrati supplicium, in posteritatem transfudit. Petrus ipse oppetit mortem, hoc tamen discrimine, quod ab eius interitu fuerat salus in posteros manatura. Vaticano caput inferendum erat, ut felicioribus auspicijs Sedes inde perennis portenderetur, quam ex deprehenso inter iacta huius vrbis fundamenta hominis capite in sede Tarpeia. Morere Petre, seu potius sanctè, feliciterque peractæ administrationis præmia, quorum olim in Tabore gustum delibasti, pleniora tandem nunc suscipe. Tuo in nomine Pontifices Mundum omnem ad Coeleste iugum subeundum sollicitabunt. Nullus in Coeli Regiam, nisi te auspicante, introducetur. Viuet in cineribus tuis reuerentia superstes. Domicilium sanctitatis erit,

vbi

vbi Corporis tui reliquias venerabimur. Proijciuntur ante tuas  
urnas diademata Principum. Chlamydes Imperatorum proster-  
nentur. Loculos, quibus ossa tua clauduntur, intextæ purpu-  
ra Syndones exornabunt. Poenitentium Regnatorum lacrymis  
marmora madebunt. Supplices ibi vota proment, quibus à  
populis, à Prouincijs, ab integris vsque nationibus preces effun-  
di consueverunt.

**DIXI.**

312  
11


O P E T R V S A D E

*Ab Auctore Prælatuſ.*

EPIGRAMMA.

**F**luſtuat incertas ſub Adam Reſtore per undas  
Mens humana, offert exitiumque Polus.  
Tu Reſtor nouus inflaurati diceris Orbis  
Petre, nouos auctor dum regis inde modos.  
Quò Petri memoras maiores carmine laudes,  
Eò maior Vates, nunc tua fama micat.

Petrus Toſtus Caſanus Alumnus.



G R A T I O R A S V N T P E T R O

*Præconia à ſcriptore celebrata, quam laudes  
omnes totius Orbis terrarum.*

EPIGRAMMA.

**P**lauſibus exultat Tellus, exultat Olympus,  
Atq; hominum plaudit ſic genus omne ſimul.  
Gloria nunc Petro cunctis eſt partibus Orbis,  
Omnia qui in laudes percupit ire ſuas.  
At calamo formata tuo præconia Scriptor,  
Hæc Petro arrident, diligit iſta magis.

Carolus Veteranus Vaticanæ Seminarij Alumnus

DE DIVO PETRO  
*Apostolorum Principe.*

DISTICHON.

**E**xivit humana Crux nostra causa salutis  
Eligit icsirgo Petrus ubi Cruce.

ALIVD.

**C**um referas Petri diffuso carmine laudes,  
Is referet merito calica regna tibi.

Joseph Marinuccius Alumnus Sulmonensis.

\*\*\*\*\*

PETRI IMPERIVM  
*Prestas Adamo.*

DISTICHON.

**O**mnia quæ quondam primo sub Patre fuerunt,  
Imperium Petri nunc meliora facit.

Petrus Paulus Salicius Romanus Alumnus.

BIBLIOTHECA HAZ  
D. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.